

RESOLUCIÓN REITORAL POLA QUE SE PUBLICA A LISTAXE DEFINITIVA DE PERSOAS SELECCIONADAS NO MARCO DA CONVOCATORIA DE AXUDAS DO PROGRAMA ERASMUS+ KA131 PARA PERSOAL DOCENTE EN 2023

O 13 de xaneiro de 2023 publicouse a resolución reitoral da convocatoria de bolsas Erasmus+ para persoal docente e investigador con docencia para o curso 2023. Despois de publicar o 24 de febreiro a resolución reitoral coa listaxe provisoria de persoas candidatas seleccionadas, e rematado o prazo para a presentación de alegacións, esta Reitoría

RESOLVE:

- Publicar a listaxe definitiva de persoas seleccionadas no anexo I.

Todas as persoas beneficiarias deberán manter a relación contractual coa Universidade de Vigo no momento de realizar a estadía.

Segundo as obrigas establecidas nas bases da convocatoria, as persoas seleccionadas deberán entregar na Oficina de Relacións Internacionais (ORI):

Antes da súa partida:

- Copia do permiso correspondente solicitado no seu departamento. Deberá enviarse a practicas.ori@uvigo.gal.
- **Acordo de mobilidade** (*Mobility agreement*) asinado por todas as partes. As datas das sinaturas deberán ser anteriores á realización da estadía. Deberá enviarse a practicas.ori@uvigo.gal.
- **Convenio asinado de subvención** entre a Universidade de Vigo e a persoa docente seleccionada. Deberá presentarse a través da [sede electrónica da Universidade de Vigo](#), mediante o procedemento **SXER Instancia xenérica (PAS/PDI)**.
- Copia da Tarxeta Sanitaria Europea e/ou seguro de asistencia en viaxe.

Despois da realización da estadía:

- Certificado orixinal de realización de estadía. Deberá presentarse a través da [sede electrónica da Universidade de Vigo](#), mediante o procedemento **SXER Instancia xenérica (PAS/PDI)**.
- Enquisa UE (*EU Survey*). Deberán cubrila en liña nos 30 días naturais posteriores á recepción da invitación para facelo, e enviar o xustificante a practicas.ori@uvigo.gal. No caso de non facelo, a Universidade de Vigo poderá requirirlles o reembolso parcial ou total da axuda financeira recibida.

A ORI enviará ás persoas seleccionadas toda a documentación, agás o convenio de subvención. Ademais, poderán descargarse no portal de bolsas:

<https://secretaria.uvigo.gal/uv/web/convocatoria/public/show/1053>.

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Vigo, na data da sinatura electrónica

O reitor

Por delegación R.R. do 22/06/2022 (DOG 06/07/2022)

A Vicerreitora de Internacionalización

María Isabel Del Pozo Triviño